

問齋醫按
診略



問齋醫按（全七冊）

清·蔣寶素著

江蘇廣陵古籍刻印社出版
揚州古籍書店發行

定價七十二元

問齋醫枕卷第五肝部

京口蔣寶素著長子亦素校正

瓜洲李永福叅訂

婦人雜病

肝鬱

經不調

崩漏

赤白帶

胎前

產後

半產

種子

肝鬱

女子肝無不鬱如男子腎無不虛五癸同源故也肝鬱蓋
怒犯中擾胃尅脾胸脘脹痛嘔吐食減經來不一血色不
華默默寡言忽忽不樂是皆肝鬱不伸之所致也宜醫話
山鞠窮煎

雀腦芎藭

茅山蒼朮

雲南茯苓

四製香附

六和神曲

沙糖炒山查

炒麥芽

製南星

法製半夏

長流水煎

抑鬱傷肝土爲木尅脾濕生痰氣爲痰阻氣痰壅塞於咽
嗑之間提之不升嚥之不下甚至氣閉肢冷柔汗脉伏如
瘵厥之狀豈尊年所宜戒之在得

東洋參

雲茯苓

紫蘇葉

法製半夏

陳橘皮

川厚朴

苦桔梗

炙甘草

銀柴胡

當歸身

生 姜

大 棗

扶疎條達木之性也鬱則傷肝肝必傳脾脾濕蘊積癰
屢發肝病善痛脾病善脹此乃素來宿疾也近復營衛乖
分往來寒熱非瘧可比胸次不舒者肝氣之鬱也飲食少
進者土爲木剋也經來不能應月盈虧其色或淡黃或灰
黑者脾不化血肝火灼陰也逐月漸少者由少至閉也舌
苔淡黃中有斷紋唇燥不渴皆屬陰虧失紅一次火載血
上由是言之病起於肝傳之於脾下關於腎損及奇經八
脉已入虛勞之境有經閉喉疼喘咳之慮

川 芎

當歸身

人 參

冬白朮

大生地

銀柴胡

雲茯苓

酸棗仁

遠志肉

懷山藥

乳頭屬肝乳房屬胃乳房結核數載方潰爲乳巖以其形似巖穴故也末有不因憂思氣結肝鬱脾傷所致夫坤道以肝爲先天故乳大於男子肝鬱不伸脾土受尅肝主筋筋攣爲結核脾主肉肉潰爲巖穴水不濟火舌赤時或有苔土爲木尅大便秘非瀉即瀉初潰間流鮮血怒動肝火之徵近流污水清膿氣血雙虧之象火灼金傷燥甚則痒癢則咳咳則振動乳中挐痛喉中如烟焰上騰總屬陰虧所

致是証遍考前賢諸論皆言不治蓋由情志乖離人心不能如寒灰槁木故也若能心先身死則人活病除雖有此說未見其人也勉擬香貝養榮湯加減盡其心力

製香附

川貝母

人參

雲茯苓

冬白朮

炙甘艸

大熟地

當歸身

川芎

大白芍

乳巖本是危疴前賢方論皆言不治惟孫思邈千金翼方及東醫寶鑑有不必治巖補其陰陽氣血自可帶病延年之說此卽昔人解結解莊以不解解之之意夫治岩成法

非芳香開鬱卽清涼瀉火二者能無耗氣傷陰敗胃之慮乎故有以取乎不解解之之法也素本陰虧火盛水鬱脾傷土不生金清肅不降一水不勝二火藏陰營液潛消是以疾彌甚以留連藥多方而效寡氣血復傷於遲暮之年抑鬱更繼以沉疴之際因循展轉益覺多岐用藥大要甘爲遲鈍範我馳驅仍以養榮湯加減盡其人力以俟天命

大熟地

人參

冬白朮

雲茯苓

當歸身

大白芍

女真子

旱蓮草

肥玉竹

濟水阿膠

長流水桑柴火熬膏入膠熔化早晚服三錢

左乳之上缺盆之下赤腫高聳如巖潰處血流甚湧瘀條如箭素昔憂思鬱結藏陰營液俱虧水不濟火又不涵木水復生火二火迫血妄行從陽明胃脈直貫乳房湧出水之逆流從乎氣血之倒行由於火治火又非苦寒所宜蓋苦寒無生氣而敗胃故也脈來軟數而空証勢危如朝露必得血止方能引延時日否則汗喘神昏瘕厥諸危証所由至也爰以血肉有情靜養真陰引益腎水以濟二火冀有轉機

靈犀角

玄武板

生牡蠣

大生地

野三七

濟水阿膠

當歸身

大白芍

廉州珍珠粉

血肉有情壯水養陰共服一百餘劑岩勢未見效機考古証今皆爲不治與其坐以待斃何如一決以出再生之路幻想乳中結核猶男子之罌丸潰流膿血卽囊癰之屬際此藥力養精蓄銳日久正可一戰以奏奇功死而後生亡而後存古法有諸

龍胆草

黃芩

黑山梔

木通

建澤瀉

車前子

當歸身

柴胡根

炙甘艸

大生地

川黃連

生大黃

連進龍胆瀉肝加味大獲效機高聳之岩漸頽深潛之穴
漸滿眠食俱安二便通調六脉和緩五善悉具七惡全無
安不忘危凝神靜養

大熟地

人參

綿州黃芪

當歸身

冬白朮

川鬱金

炙甘艸

酸棗仁

廣木香

生薑

大棗

龍眼肉

木鬱化風土濕生痰風振痰升氣機壅塞卒然傾跌非癰
症也經來色淡烏能應月盈虧脉象虛豈証由情志中起

切戒煩勞動怒最宜恬淡無爲王道功遲徐徐調治

東洋參

雲茯苓

冬白朮

炙甘草

當歸身

太白芍

製陳半夏

陳橘皮

羚羊角

爲末生姜大棗煎湯和淡竹瀝疊丸早晚服三錢

憂思鬱結肝木受戕木乘土位健運失常津液凝結成痰

痰隨氣行變幻不一流注四肢及人迎之穴則癰癰項脹

上擾顛頂及心胞則頭搖瘈厥經來色紫眠不竟夕木明

金鳴帶下如注脉來弦數無神法當崇土安木

人參

雲茯苓

冬白朮

炙甘草

製陳半夏

陳橘皮

當歸身

大白芍

羚羊片

百部

姜汁

淡竹瀝

肝鬱幻生乳岩考之於古驗之於今耳之所聞目之所見均皆不治氣血羸弱不待決裂而終氣血充盈相持日久則有洞胸之慘潛思乳岩必因藏府乖戾之氣所生譬如草木花實之異亦由根幹之氣所化人在氣交之中何所不有不幸而有斯疾獨恨經無明文即萬變總由一氣所化能化其氣異疾可消正不勝邪終期於盡爰以異類有情之品化其藏府生岩異氣或可圖功然亦無中生有之

法所謂人力盡而歸天命擬醫話異類有情丹主之

大廉珠

西牛黃

大塊丹砂

靈犀角

真狗寶

透明虎珀

真象牙

生玳瑁

等分水飛至無聲每服一錢用人參八分煎濃汁一茶杯調下

脉來弦數無力症本藏陰營液有虧素昔木失條舒土爲木尅化源不健運納失常以故飲食遲於運化經來不能應月盈虧脾虛則四肢浮腫肝鬱則氣機不利有二陽之病發心脾之慮土能安木肝病治脾爰以歸脾六君加減

折其鬱氣先取化源

東洋參

雲茯苓

冬白朮

炙甘草

當歸身

熟棗仁

遠志肉

陳橘皮

製陳半夏

煨木香

四製香附

服折其鬱氣先取化源等劑數十日來諸症小愈值天令
溽暑炎蒸濕鬱傷氣傷陰加以辛苦憂勞二氣潛消風暑
乘虛而入賴人功藥力有以預防幸未猖獗見在暑氛雖
解陰液受戕未復形神未振夜寐不沉飲食少思經來不
一經前作痛乳房作脹乃肝不條達鬱結不伸損及奇經

則不孕宗氣上撼爲怔忡中氣不足洩便爲之變至於或爲之症如浮雲之過太虛耳治當求本

大熟地

懷山藥

東洋參

當歸身

山萸肉

雲茯苓

遠志肉

於潛野白朮

酸棗仁

棉州黃芪

炙甘艸

濟水阿膠

木失條舒必乘中土脾胃受傷營衛失度胃者衛之原脾乃營之本胃虛則衛氣不能衛護於外脾虛則營血不能營守於中衛失外護則寒營不中守則熱非外感可比清陽不升則頭眩濁陰不降則脘痛更兼帶下傷精水不濟

火手足掉搖戰慄動搖火之象也脉來細數無神有損怯
風非之慮宜先靜補真陰爲主

大生地

懷山藥

炙甘艸

東洋參

當歸身

福澤瀉

女真子

旱蓮草

爲末水盪丸早晚服三錢

怒鬱傷肝木乘土位肝爲血海脾爲血源血凝氣滯痛在

經前痛則不通先與通劑

當歸身

大白芍

製香附

生木香

陳橘皮

台烏藥